



Pou Piblikasyon Imedya: 5/11/2022

GOUVÈNÈ KATHY HOCHUL

GOUVÈNÈ HOCHUL ANONSE KE LAPOLIS ETA A ARETE 189 MOUN POUTÈT YO T AP KONDUI SAN YO PA AN ETA PANDAN WIKENN HALLOWEEN NAN

*Lapolis Eta New York la te bay plis pase 11,500 kontravasyon pandan kanpay la,
ki gen ladan plis pase 4,000 kontravansyon pou eksè vitès*

Gouvènè Kathy Hochul te anonse jodi a Lapolis Eta te bay 11,601 kontravansyon epi te arete 189 moun ki t ap kondui san yo pa an eta pandan kontwòl espesyal nan sikilasyon nan wikenn Halloween nan. Inisyativ la - ki sible eksè vitès ak chofè ki pa an eta - te kòmanse nan vandredi 28 oktòb epi kontinye rive madi 1 novanm. Se Komite Sekirite Sikilasyon Gouvènè a (Governor's Traffic Safety Committee, GTSC) ki te finanse kanpay kontwòl sa a.

"Mwen aplodi Lapolis Eta a ak patnè fòs de lòd lokal nou yo pou angajman yo pou kenbe chofè ki danjere epi ki pa an eta yo lwen wout yo pandan Halloween sa a", **Gouvènè Hochul te deklare**. "Atravè kanpay kontwòl konsa, administrasyon mwen an pral kontinye reprime chofè ensousyan epi ki pa an eta yo pou anpeche trajedi ki pa nesesè epi rann wout New York yo pi an sekirite pou tout moun".

Sirentandan Enterimè Lapolis Eta New York la, Steven A. Nigrelli, te deklare, "Mwen aplodi travay fòmidab manm nou yo ak patnè fòs de lòd nou yo te reyalize ki te atriбие siksè nan kontwòl sa a. Nou konnen twò byen trajedi ki evitab yo ke kondui avèk kapasite afeibli, yon fason ensousyan ak distrè lakòz. Nou vle raple chofè yo pou yo fè chwa responsab chak fwa yo pran volan. Ofisyè lapolis nou yo pral rete angaje ak vijilan nan kenbe chofè ki pa an eta ak ensousyan lwen wout yo chak jou".

Komisè Depatman Veyikil a Motè a nan Eta New York la ak Prezidan Komite Sekirite Sikilasyon Gouvènè a, Mark J.F. Schroeder, te deklare, "Li enpòtan pou nou kontinye pote lakay mesaj ki di kondui avèk kapasite afeibli konplètman ka evite epi se yon erè ki ka vini ak yon pakèt konsekans. Se poutèt sa GTSC kontan kapab kontinye sipòte Lapolis Eta a ak lòt fòs de lòd nan konte ak lokal pandan peryòd kontwòl espesyal sa yo, epi pou l asire moun yo pran wout pou ale lakay yo san danje epi vivan".

Pandan kanpay la, Lapolis Eta a te itilize bon jan pwen kontwòl sou moderasyon, te ajoute plis patwouy DWI (Kondui Anba Enfliyans) epi te bay kontravansyon ak chofè ki

te distrè ki t ap itilize aparèy pòtatif elektwonik. Ofisye lapolis yo te sèvi avèk machin Lapolis Eta a ki make epitou avèk machin Kontwòl Sikilasyon ki gen Idantite Kache (Concealed Identity Traffic Enforcement, CITE) nan kad operasyon sa a, pou idantifye pi fasilman chofè yo ki t ap vyole lalwa. Veykil san mak sa yo ka kamonfle avèk machin k ap sikile chak jou yo, men yon fwa limyè ijans lan aktive moun ka rekonèt yo byen fasil tankou veykil ijans.

Manm Patwouy yo te arete 189 moun poutèt yo t ap kondui san yo pa an eta - jiska 42 pouzan pa rapò ak ane anvan an - epi te mennen ankèt sou 1,006 ka aksidan machin ki gen ladan twa aksidan mòtèl ak 109 aksidan kote moun yo blese. Pandan peryòd kontwòl wiken Halloween 2021 an, ki te dire yon jou an mwens pase kanpay ane sa a, Lapolis Eta a te bay 7,824 kontravansyon epi arete 133 moun pou DWI.

Nan kad inisyativ kontwòl la, Manm patwouy yo te sible tou chofè k ap fè eksè vitès, ki agresif ak distrè toupatou nan eta a. Anba a gen yon echantyon kantite kontravansyon total yo te bay yo

Eksè Vitès	4,129
Kondui Distrè	233
Vyolasyon senti sekirite	406
Lwa Mete w Akote a	104

Anba a w ap jwenn rezulta kanpay la ki repati selon Twoup:

T	Rejyon	Vitès	Arestasyon pou DWI (Kantite moun)	Distrè etan yo t ap Kondui	Restriksyon pou Timoun/ Senti Sekirite	Mete w Akote	Total Kontravansyon (li enkli lòt vyolasyon)
A	Western NY	368	18	13	38	2	1,063
B	North Country	242	4	3	18	6	784
C	Southern Tier	483	6	12	28	10	1,094
D	Central NY	375	16	40	52	9	1,226
E	Finger Lakes	376	11	19	67	11	1,186
F	Upper Hudson Valley	392	45	25	32	17	1,191
G	Capital Region	392	12	17	42	16	1,051

K	Lower Hudson Valley	518	28	21	37	14	1,134
L	Long Island	232	27	28	32	2	804
NYC	New York City	79	6	21	20	0	550
T	NYS Thruway	672	16	34	40	17	1,518

###

Lòt nouvèl disponib sou sit www.governor.ny.gov
 Eta New York | Chanm Egzekitif | press.office@exec.ny.gov | 518.474.8418